



EM2015/43
22. oktober 2015
Naaja H. Nathanielsen

Ukiut qulit 20-illu akornani nuna tamakkerlugu sanaartugassanik pilersaarusiortoqarnissaanik, minnerpaamik kommuuninut agguataarneqartunik aammalu kommunit suleqatigalugit pilersaarutinik ingerlanneqartussanik Naalakkersuisut peqquneqarnissaanik Inatsisartuni aalajangiiffigisassatut siunnersuut.

Sanaartukkanik pilersaarutit Namminersornerullutik Oqartussat aammalu kommuunit sanaartornermik suliassaanik imaqartinneqassapput, tamatumani piviusumik tulleriissaarinissat pilersaarusiornissallu kommuunini kiisalu sanaartugassanik suliassinneqartunit ingerlanneqarsinnaalersillugit aammalu suliassaasinnaasunillu kommuunini ingerlanneqartussatut pilersaarutit inissisorneqarsinnaalersillugit

(Inatsisartunut ilaasortaq Agathe Fontain, Inuit Ataqatigiit)

Inuit Ataqatigiinnit siunnersuuteqartoq Agathe Fontain taperserparput pisortat sanaartortitsineranni ataqatigiissumik pilersaarusiortoqartariaqarneranik.

Pisortat sanaartortitsinerat nunatsinnut tamarmut pingaaruteqartorujussuuvoq. Innuttaasunut inuussutissarsiutinillu ingerlataqartunut. Pisortat sanaartortitsinerat annikilligaangat engertumik piffinni ataasiakkaani malunniuttarpoq. Piffinni ataasiakkaanik inuussutissarsiortut pitsaanerpaamik atorluarneqassappata pisariaqarpoq sanaartugassat pitsaasumik ataqatigiissarnissaat.

Pisortat sanaartortitsinerannut akisussaaffik kommunenut nuunneqassasoq partiit arlallit arlaleriarlutik kissaatigalugu oqaatigisarpaat. Taamaattumik nuannaarutigaarput Naalakkersuisut Kommunellu peqatigiillutik akisussaaffimmik tunniussinissaq pilersaarusiorneqalersimammat.

Naalakkersuisut allannguutissamik siunnersuuteqarput, takusinnaasarpullu naapertorlugu tapersersorluarsinnaasatsinnik.

Siunnersuut Sanaartornermut ataatsimiititaliamut ingerlateqqinneqassasoq innersuusstigaarput, kajumissaarutigissavarpullu Naalakkersuisut suleqatigineqassasut allannguutissasut siunnersuut sapinngisamik amerlanerpaanit tapersernejarsinnaaniassammat.